

Na osnovu člana 27. Zakona o notarima ("Službene novine Federacije BiH", broj 45/02) i člana 26. stav 1. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01), Vlada Kantona Sarajevo, na trećoj sjednici održanoj 27. februara 2003. godine, donijela je

UREDBU

O BROJU I SLUŽBENOM SJEDIŠTU NOTARA ZA PODRUČJE KANTONA SARAJEVO

Član 1.

Ovom uredbom određuje se broj i službeno sjedište notara imenovanih za područje Kantona Sarajevo (u daljem tekstu: Kanton).

Član 2.

Broj notara određuje se prema broju stanovnika na sadašnjoj teritoriji Kantona, u skladu sa popisom stanovništva iz 1991. godine.

Broj notara, u skladu sa odredbama prethodnog stava, za područje Kantona Sarajevo je 25, i to po općinama:

- Centar 4
- Hadžići i Trnovo 1
- Ilidža 3
- Ilijaš 1
- Novi Grad 7
- Novo Sarajevo 5
- Stari Grad 3
- Vogošća 1

Član 3.

Službeno sjedište notara je u općini u koju je notar imenovan, s tim da je službeno sjedište notara za općine Trnovo i Hadžići u Općini Hadžići.

Član 4.

Stupanjem na snagu ove uredbe prestaje da važi Uredba o broju javnih bilježnika na području Kantona Sarajevo i području djelovanja javnih bilježnika ("Službene novine Kantona Sarajevo", broj 5/00).

Član 5.

Ova uredba stupa na snagu osmog dana od dana objavljivanja u "Službenim novinama Kantona Sarajevo".

Broj 02.05-2983-3/03
27. februara 2003. godine
Sarajevo

Premijer
mr. Denis Zvizdić, s. r

Na osnovu čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), i člana 27. stav 1. Zakona o notarima, ("Službene novine Federacije Bosne i Hercegovine", broj 45/02), Vlada Kantona Sarajevo, donijela je na 17. sjednici, održanoj 21. juna 2007. godine,

UREDBU

O IZMJENI UREDBE O BROJU I SLUŽBENOM SJEDIŠTU NOTARA ZA PODRUČJE KANTONA SARAJEVO

Član 1.

U Uredbi o broju i službenom sjedištu notara za područje Kantona Sarajevo ("Službene novine Kantona Sarajevo", broj 4/03) u članu 2. stav 2. u alineji 1. broj "4" zamjenjuje se brojem "5", a u alineji 6. broj "5" zamjenjuje se brojem "4".

Član 2.

Ova Uredba stupa na snagu danom objavljivanja u "Službenim novinama Kantona Sarajevo".

Broj 02-05-17325-18/07
21. juna 2007. godine
Sarajevo

Premijer
Samir Silajdžić, s. r.